

Contas económicas trimestrais de Galicia. Revisión Estatística 2024

Datos correspondentes ao cuarto trimestre de 2025


Data de publicación: 27/02/2026

Principais resultados

- O ritmo de crecemento da economía galega acada o 2,6% no ano 2025.
- A contribución da demanda interna ao crecemento foi de 2,4 puntos porcentuais, mentres que a demanda externa xera unha aportación positiva ao crecemento de 0,2 puntos.
- Os postos de traballo equivalentes e as horas traballadas aumentaron un 1% no conxunto do ano.
- O ritmo de crecemento interanual do PIB no último trimestre do ano foi do 2,4%.

Evolución anual do PIB. Volume encadeado referencia ano 2020=100

Unidade: porcentaxe



Fonte: IGE. Contas económicas trimestrais ([descarga da táboa](#)).

1 Produto interior bruto. Ano 2025


No conxunto do 2025 o Produto Interior Bruto (PIB) en termos de volume medrou un 2,6% con respecto ao ano 2024.

Desde a óptica da demanda, o crecemento do PIB estivo sustentado fundamentalmente pola demanda interna, que contribúe ao crecemento en 2,4 puntos porcentuais. Neste comportamento destaca especialmente o notable incremento da formación bruta de capital, que medrou un 4,2% con respecto ao rexistrado no ano anterior. Pola súa banda, o consumo privado aumentou un 2%, tamén cun ritmo superior ao do exercicio precedente, mentres que o consumo das administracións públicas moderou o seu crecemento ata o 2,3%, situándose por debaixo da taxa de 2024.

A demanda externa mantivo unha contribución positiva ao crecemento, achegando 0,2 puntos porcentuais ao crecemento do PIB. Este resultado prodúcese nun contexto no que as exportacións de bens e servizos se mantiveron estables (0%), ao tempo que as importacións diminuíron un 0,3%.

Compoñentes do PIB pola vía da demanda. Volume encadeado referencia ano 2020=100. Taxas de variación anual

Unidade: porcentaxe




Fonte: IGE. Contas económicas trimestrais ([descarga da táboa](#)).

Desde a óptica da oferta, a construción amosa un notable dinamismo no conxunto de 2025, cunha taxa de variación do Valor Engadido Bruto (VEB) do 7,3 %. Asemade, o VEB da industria medra un 2,2 % e o do sector servizos un 2,7 %. As ramas primarias rexistran un incremento máis moderado, cunha taxa de variación do 1,3 %.

Compoñentes do PIB pola vía da oferta. Volume encadeado referencia ano 2020=100. Taxas de variación anual

Unidade: porcentaxe



Fonte: IGE. Contas económicas trimestrais ([descarga da táboa](#)).

O valor do PIB a prezos correntes acada os 86.001 millóns de euros, un 5,7% superior ao de 2024.

Pola súa parte, o deflactor implícito do PIB crece un 3,0%, dúas décimas máis que no ano anterior.

En relación ao emprego, tanto os postos de traballo equivalentes a tempo completo como as horas traballadas aumentan un 1% no conxunto do ano 2025.

Considerando o crecemento do PIB e o do emprego en 2025, a produtividade aparente real por posto de traballo equivalente a tempo completo aumenta un 1,5% neste ano, tres décimas máis que no ano anterior. Pola súa parte, a produtividade por hora traballada aumenta un 1,6%, tres décimas menos que en 2024.

2 Produto Interior Bruto. Cuarto trimestre de 2025

No cuarto trimestre do 2025, o Produto Interior Bruto (PIB) xerado pola economía galega, medido en termos de volume encadeado e con datos corrixidos de efectos estacionais e de calendario, rexistra unha variación intertrimestral do 0,7% e unha variación interanual do 2,4%.

Produto Interior Bruto (PIB) a prezos de mercado. Volume encadeado referencia ano 2020=100. Datos corrixidos de efectos estacionais e de calendario. Taxas de variación


Unidade: porcentaxe

Dato	2024/I	2024/II	2024/III	2024/IV	2025/I	2025/II	2025/III	2025/IV
Taxa de variación trimestre anterior	0,7	0,7	0,9	0,6	0,7	0,4	0,5	0,7
Taxa de variación interanual	2,3	3,0	3,3	2,8	2,9	2,6	2,2	2,4

Fonte: IGE. Contas económicas trimestrais ([descarga da táboa](#)).

PIB. Taxas de variación interanual

Unidade: porcentaxe




Fonte: IGE. Contas económicas trimestrais ([descarga da táboa](#)).

No cuarto trimestre, a demanda interna contribuíu con 2 puntos porcentuais ao crecemento interanual do PIB galego, catro décimas menos que no trimestre anterior. Por outra banda, a contribución da demanda externa ao crecemento é positiva (0,4 puntos) fronte á contribución negativa (-0,2 puntos) do trimestre precedente.

Evolución do PIB en volume e contribucións da demanda interna e da demanda externa

Unidade: taxas de variación en porcentaxe e contribucións en puntos porcentuais



Fonte: IGE. Contas económicas trimestrais ([descarga da táboa](#)).

Dentro da demanda interna, o gasto en consumo final dos fogares e ISFLSF crece máis que no trimestre anterior (2,1% fronte a 1,6%), mentres que se modera o avance do consumo público (ata o 0,9%) e o da formación bruta de capital (ata o 3,3%) .

En relación ao sector exterior, diminúen tanto as exportacións como as importacións. As exportacións de bens e servizos presentan unha taxa interanual do -2,3%, e as importacións do -3,1%.

Compoñentes do PIB pola vía da demanda. Volume encadeado referencia ano 2020=100. Datos corrixidos de efectos estacionais e de calendario. Taxas de variación interanual
Unidade: porcentaxe

Compoñentes	2024/I	2024/II	2024/III	2024/IV	2025/I	2025/II	2025/III	2025/IV
Gasto en consumo final	3,9	1,7	2,4	2,8	1,7	2,7	2,1	1,8
Gasto dos fogares e ISFLSF	2,7	0,5	1,6	1,8	1,3	2,9	1,6	2,1
Gastos das AA.PP.	7,1	5,4	5,0	5,8	2,7	2,3	3,3	0,9
Formación bruta de capital	-0,5	-1,0	2,4	4,4	2,7	6,6	4,4	3,3
Demanda interna (en termos nacionais) (*)	3,0	1,2	2,4	3,1	1,8	3,3	2,4	2,0
Exportación de bens e servizos	1,1	4,6	3,8	3,0	1,2	-1,2	2,2	-2,3
Importación de bens e servizos	2,5	1,7	2,3	3,5	-0,7	-0,1	2,6	-3,1

 Fonte: IGE. Contas económicas trimestrais ([descarga da táboa](#)).

Nota: (*) Contribución ao crecemento do PIB.

No que respecta á oferta, aumenta o VEB de todos os grandes sectores de actividade. O maior incremento rexístrase na construción, cunha taxa do 9,3%. Pola súa parte, o VEB das ramas primarias presenta unha taxa de variación interanual do 1,2%, o VEB da industria medra un 1,5% e o VEB do sector servizos un 2,5%.

Compoñentes do PIB pola vía da oferta. Volume encadeado referencia ano 2020=100. Datos corrixidos de efectos estacionais e de calendario. Taxas de variación interanual
Unidade: porcentaxe

Compoñentes	2024/I	2024/II	2024/III	2024/IV	2025/I	2025/II	2025/III	2025/IV
VEB. Agricultura, gandería, silvicultura e pesca	4,5	4,2	1,4	2,6	3,0	0,0	0,9	1,2
VEB. Industria	4,3	4,2	5,0	-0,3	1,5	2,4	3,4	1,5
VEB. Construción	3,3	5,3	4,5	6,0	5,2	6,4	8,4	9,3
VEB. Servizos	1,6	2,7	3,2	3,6	3,3	2,9	1,9	2,5
Impostos netos sobre os produtos	0,9	-0,1	0,7	0,9	0,9	-0,1	-1,4	-1,0

 Fonte: IGE. Contas económicas trimestrais ([descarga da táboa](#)).

No cuarto trimestre do 2025, o PIB valorado a prezos correntes e con datos corrixidos de efectos estacionais e de calendario, rexistra unha variación interanual do 6,2%, sendo esta variación 1,2 puntos maior á rexistrada no trimestre precedente.

Pola súa parte, o deflactor implícito do PIB medrou un 3,6% neste trimestre.

Os postos de traballo equivalentes a tempo completo rexistran un crecemento interanual do 1,2%, 0,1 puntos superior ao do trimestre anterior.

Postos de traballo equivalentes a tempo completo e horas efectivas. Datos corrixidos de efectos estacionais e de calendario. Taxas de variación interanual

Unidade: porcentaxe

Dato	2024/I	2024/II	2024/III	2024/IV	2025/I	2025/II	2025/III	2025/IV
Postos de traballo equivalentes a tempo completo	2,1	1,5	1,3	1,4	0,7	1,0	1,1	1,2
Horas traballadas	2,2	0,5	0,4	0,8	0,0	0,8	1,4	1,6

Fonte: IGE. Contas económicas trimestrais ([descarga da táboa](#)).

As horas traballadas aumentan un 1,6% en taxa interanual no cuarto trimestre (1,4% no trimestre anterior).

Considerando de forma conxunta o crecemento do PIB trimestral e o do emprego, a produtividade aparente real por posto de traballo equivalente a tempo completo medrou un 1,2% neste trimestre, mentres que a produtividade por hora traballada incrementouse un 0,8%.

3 Notas metodolóxicas

As [Contas económicas trimestrais](#) son unha estatística de síntese de carácter conxuntural. O seu obxectivo primordial é proporcionar unha descrición cuantitativa e coherente do conxunto da actividade económica galega. Con esta finalidade, elabórase un cadro macroeconómico que ofrece o ritmo de crecemento do PIB galego e das súas compoñentes.

Esta actividade é unha réplica trimestral simplificada das [Contas económicas anuais](#) que, pola súa maior frecuencia de elaboración, permite o seguimento conxuntural da actividade económica. Estas estimacións axústanse aos mesmos principios de coherencia e equilibrio contable que as contas de frecuencia anual e, por conseguinte, ao marco do Sistema Europeo de Contas 2010 (SEC-2010). Pódese dicir que as Contas económicas trimestrais supoñen un compromiso entre o rigor e a amplitude das Contas anuais e a rapidez e oportunidade dos indicadores conxunturais.

As utilidades concretas das Contas económicas trimestrais de Galicia son as seguintes:

- Medir a evolución da economía no tempo de forma continua e coherente.
- Incrementar a calidade do sistema estatístico conxuntural.
- Dado o seu carácter sintético e integrador, identifica carencias, suxire cambios e propón un marco de referencia común, susceptible de utilización por estatísticas dispares.
- Permite estimar modelos econométricos trimestrais, útiles na análise de políticas económicas e na previsión.

4 Definicións, fontes e máis información

Definicións

- [Definicións](#)

Máis información:

- [Contas económicas trimestrais. Revisión Estatística 2024. Oferta, demanda e rendas](#)
- [Contas económicas trimestrais. Revisión Estatística 2024. Emprego](#)
- [Contas económicas trimestrais. Revisión Estatística 2024. Indicadores derivados](#)
- [Principais indicadores económicos de Galicia](#)
- [Matriz de revisións das taxas de variación do Produto Interior Bruto](#)